



Prot/stat

REPUBLIKA E SHQIPËRISË
REPUBLIKA E SHQIPËRISË
BASHKIA LEZHË

Nr. 15065 Prot

Lezhë, më 28.08.2025

PROCESVERBAL

Titulli i Projektaktit: Plani i Arsimit Parauniversitar 2026-2028

Data dhe vendi i mbajtjes së takimit: 20.08.2025, ora 12:00 pranë Bibliotekës “Gjergj Fishta” Lezhë

Pjesëmarrësit në takim nga ana e Njesisë së Vetëqeverisjes Vendore:

1. Keler Sufja – Drejtor në Drejtorinë e Arsimit, Rinisë dhe Sporteve
2. Altin Përgjegjji- Përgjegjës i sektorit të Arsimit Parauniversitar, Rinisë dhe Sporteve
3. Jonida Gjoni- Specialiste e arsimit parauniversitar në Sektorin e Arsimit Parauniversitar, Rinisë dhe Sporteve
4. Ornela Simoni- Specialiste e arsimit parashkollor në Sektorin e Arsimit Parashkollor
5. Xhesika Sherri- Specialiste finance në Sektorin e Arsimit Parauniversitar, Rinisë dhe Sporteve

Territori që mbulon konsultimi publik:

Bashkia Lezhë

Numri i Personave që marrin pjesë në takim: 26 persona

Numri i femrave që marrin pjesë në takim: 16 femra

- **Z.Ndue Luli -Kryetari i Këshillit Bashkiak Lezhë** mban fjalën përshëndetëse dhe i fton të gjithë pjesëmarrësit që rekomandimet e tyre rreth Planit të Arsimit Parauniversitar Lezhë 2026-2028 ti japin gjatë takimit të sotëm por edhe nëpërmjet email apo postës zyrtare deri më datë 26.08.2025.

- **Z.Keler Sufja- Drejtor në Drejtorinë e Arsimit, Rinisë dhe Sporteve** bën një prezantim të vetes dhe drejtorisë si dhe fton të gjithë pjesëmarrësit që pas prezantimit të dokumentit të japin komentet dhe rekomandimet e tyre. I dha fjaen specialistit të arsimit për të bërë prezantimin.

-**Znj. Jonida Gjoni- Specialiste e Arsimit Parauniversitar**, bën një prezantim të pikave kryesore të dokumentit:

1. Të dhënat demografike
2. Kuadri ligjor ku bazohet hartimi i dokumentit
3. Të dhëna rreth numrit të kopshteve, numrit të fëmijëve të regjistruar, kapacitetit, shërbimeve që ofrohen për asrimin parashkollor, etj.
4. Të dhëna për numrin e shkollave dhe numrin e nxënësve të regjistruar në çdo nivel arsimor.
5. Krahasimi i numrit të nxënësve të regjistruar në dy vitet e fundit shkollorë ku vërehet që numri i fëmijëve të regjistruar vjen në rënie.
6. Të dhëna rreth numrit të stafit të punësuar të cilët japin shërbim në institucionet arsimore dhe që paguhet nga Bashkia Lezhë (me fondet e veta ose me transfertë specifike).
7. Prezantimi i vizionit, qëllimeve dhe objektivave kryesore.
8. Buxheti dhe shërbimet e parashikuara për tre vite.
9. Plani i veprimit dhe monitorimit.



REPUBLIKA E SHQIPËRISË

10. Konkluzione.

- **Znj. Blerina Kolaj- Drejtor i shkollës 9-vjeçare “Ndue Kola” Spiten:** A është menduar ndonjë masë që mund të merret për të shmangur mbylljen e shkollave në fshatra? (Përgjigja e drejtorit të arsimit ishte që Bashkia Lezhë ka në focus plotësimin e kushteve të barabarta si në shkollat e qytetit ashtu edhe në fshatra. Çdo vit bëhet mirëmbajtja e godinave të institucioneve arsimore. Këtë vit ka filluar dhe është në process rikonstruksioni i 30 objekteve të arsimit parashkollor.

- **Znj. Aleksandra Haxhija- Drejtor i shkollës 9-vjeçare “Nënë Tereza” Lezhë:** Një problematikë e madhe është emërimi i edukatoreve ndihmëse në arsimin parashkollor sepse është shumë e vështirë për një edukatore të menaxhojë një klasë më mbi 20 fëmijë dhe me fëmijë me nevoja ndryshe. (Përgjigja e drejtorit të arsimit ishte se arritja e standardeve bëhet gradualisht dhe patjetër që emërimi i edukatoreve ndihmëse do të marrë fokusin e duhur. Do të ketë prioritet dhe do të shtohen fondet për këtë staf. Vështirësi haset edhe me fëmijët me AK të cilët nuk paraqesin dokumentacion.

Znj. Besmira Lekaj-Qendra Rinore H.A.N.A: Fillimisht ju falenderoj për organizimin e këtij takimi për Arsimin Parauniversitar e cila është kauza e qendrës tonë. Në fakt ne nuk kemi qenë në dijeni që po hartohet ky plan sepse me kënaqësi do të ishim bërë pjesë e hartimit të tij por do të japim rekomandimet tona dhe shpresoj që të reflektohen në dokument. Rekomandimet do i dërgojmë elektronikisht në mënyrë që të jenë të dokumentuara edhe pse nga ekperiencia na rezulton se rekomandimet nuk reflektohen.

Me vjen keq që pjesëmarrja është kaq e ulët sot sepse do të ishte mirë që të merrnin pjesë anëtarë të komunitetit dhe nxënës.

Panvarësisht se rekomandimet do i nisim zyrtarisht une do përmend disa çështje të paflektuara në plan.

- Transparenca në mbledhjen dhe buxhetimin e kontributit vullnetar të prindërve në shkolla.
- Kemi tentuar të marrim informacion nga Bashkia Lezhë por nuk e kemi të qartë buxhetimin sipas shkollave. Bashkia Lezhë mund të jetë e para në rang kombëtar që harton buxhet në nivel shkolle.
- Na rezulton që deri sot nuk është bërë asnjëherë blerje e mjeteve didaktike dhe kancelarike për shkollat që është një nevojë e domosdoshme.
- Në plan mungojnë treguesit e matshëm psh. Në sa shkolla do të shtohet siguria në 3 vite?

Z. Keler Sufja- Drejtor në Drejtorinë e Arsimit, Rinisë dhe Sporteve- duke qenë se ne kemi vënë në dispozicion tuajin një punonjës që tju përgjigjet për çështje të Arsimit dhe në takimin që keni patur është ezauruar çdo pikpyetje që keni patur. Sa i përket buxhetit të mbledhur vullnetarisht nga shkolla është një proces që ndiqet dhe monitorohet nga Bordi i Shkollës.

Znj. Jonida Gjoni- Specialiste e Arsimit Parauniversitar: Gjatë vitit 2024 është bërë blerje e mjeteve didaktike për kopshtet. Gjithashtu është parashikuar fond që edhe për këtë vit të blihen mjete didaktike dhe kancelarike për kopshtet publike. Për shkollat nuk janë blerë sepse ligji nuk e përcakton qartë që është detyrë e njësisë së vetëqeverisjes vendore por thotë që NJVV mbështet me mjete didaktike, pra nuk është detyrë specifike e bashkisë.

Z. Altin Përgjegjësi- Përgjegjës i sektorit të Arsimit Parauniversitar, Rinisë dhe Sporteve: Unë jam pjesë e bordit në dy shkolla dhe në të dy institucionet është shumë transparente.

Znj. Besmira Lekaj-Qendra Rinore H.A.N.A- gjatë shqyrtimit të dokumentit kemi vënë re që më shumë se 90% e buxhetit shkon për paga. Do ishte mirë të rishikohej kjo ndarje e buxhetit që të ketë më shumë shërbimë për institucionet arsimore.

Znj. Jonida Gjoni- Specialiste e Arsimit Parauniversitar: Ashtu siç u përmend gjatë prezantimit në programin tonë ka 239 punonjës nga të cilët 210 paguhet nga fondet specifike të cilat nuk mund të tjetërsohen por duhet të përdoren vetëm për atë qëllim. Ndërsa pjesa tjetër e punonjësve paguhet nga fondet e Bashkisë Lezhë por është i domosdoshëm dhe nuk mund të ndryshohet.

Keivin Kola- Aktivist i Qendrës Rinore H.A.N.A: Rekomandoj që njoftimet për dëgjesa të



REPUBLIKA E SHQIPËRISË

vendosen dhe të jenë publike 20 ditë siç e përcakton ligjin.

Z.Ndue Luli -Kryetari i Këshillit Bashkiak Lezhë: Panvarësisht se takimi është zhvilluar sot, rekomandimet do të priten 20 ditë pra nga data 06.08.2025-26.08.2025 mund të dërgohen rekomandimet.

Nuk ka arsim cilësor pa bashkëpunim midis DRAP, ZVAP dhe Bashki. Kjo gjë këtu funksionon por duhet të forcohet edhe më shumë në të mirë të arsimit. Nga ana e bashkisë duhet të shihet mundësia e blerjes së mjeteve didaktike dhe kancelarike për shkollat.

Sa i përket prezencës së ulët në takimin e sotëm dua të them se indiferenca është shumë shqetësuese sepse mospërfshirja e komunitetit në këtë çështje është shumë thlbësore.

Znj.Alfrida Marku- Këshilltare në Këshillin Bashkiak Lezhë: Fillimisht dua të them që është e domosdoshme të ndërgjegjësojmë komunitetin, Këshillin Bashkiak dhe aktorë të tjerë për pjesëmarrje në takime të tilla.

Postimet politike në faqet zyrtare të institucioneve arsimore duhet të ndalohen. Si pjesë e Bordit të Shkollës 9-vjeçare “Gjergj Kastrioti” Lezhë, doja të theksoj se kontrubuti i prindërve është vullnetar dhe simbolik i cili përdoret për nevoja të vogla dhe ka transparencë të plotë.

Gjatë shqyrtimit të dokumentit vura re se në qytetin e Lezhës ka dy institucione arsimore që nuk kanë system ngrohje. Cfarë masash janë marrë për sigurimin e ngrohjes në këto institucione?

Gjithashtu është e nevojshme të shtohen kapacitetet në kopshtet me dreke dhe fjetje në mënyrë që të mbulohen kërkesat e larta të qytetarëve.

Znj. Jonida Gjoni- Specialiste e Arsimit Parauniversitar: dy shkollat të cilat nuk kanë sistem ngrohje janë : Shkolla 9-vjeçare “Gjergj Fishta” Lezhë për të cilën shumë shpejt do fillojë procesi i rikonstruksionit dhe shkolla 9-vjeçare “Kosova” Lezhë për të cilën ngrohja është siguruar pjesërisht me soba me dru dhe pjesërisht me energji elektrike.

Z.Keler Sufja- Drejtor në Drejtorinë e Arsimit, Rinisë dhe Sporteve: Sa i përket kopshteve me drekë dhe fjetje është e vërtetë që kërkesa për regjistrime është shumë e lartë dhe për këtë arsye në jemi në proces për të hapur një grup të ri pranë kopshtit “Hirushja” Lezhë.

Z.Ndue Luli -Kryetari i Këshillit Bashkiak Lezhë: Nëse nuk ka asgjë tjetër për të shtuar, ju falenderojmë të gjithëve për pjesëmarrjen dhe rekomandimet tuaja gjatë këtij takimi.

Për

Drejtorinë e Arsimit, Rinisë dhe Sporteve

Jonida Gjoni

Për

Këshillin Bashkiak Lezhë

Florida Çunaj







